



# საქართველთს

ეკლესიური თავდაცვის  
უჭაბის

# მიმართვა

მ. ცხინვალიში და მთელს  
შიდა საქთლში

დამკვიდრებული  
ტსი მუსახლოებისადმი



## საქართველოს ეროვნული თავდაცვის შტაბის

### მ ი მ ა რ მ ე ა

ქალაქ ცხინვალში და მთელს შიდა ქართლში  
დამკვიდრებული ოსი მოსახლეობისადმი!

1989 წლის 12 ნოემბერს ქართველ პატრიოტთაგან შემდგარი ხალხ-  
მრავალი კოლონა ჩავიდა ახალგორში და ჩაატარა მშვიდობიანი მიტინგი,  
რომელმაც დაგმო ეგრეთწოდებული სამხრეთ-ოსეთის საოლქო საბჭოს დე-  
პუტატთა მიმართ, ფანატიკოსი ოსების მიერ ჩადენილი ძალადობა, ხოლო  
საოლქო საბჭოს სესია, რომელიც ფანატიკოსთა ძალმომრეობის შედეგად  
ჩატარდა, კანონგარეშე და ამდენად, გაუქმებულ აქტად სცნო. იქვე,  
ახალგორში, საქვეყნოდ გამოცხადებულ იქნა, რომ 23 ნოემბერს, ქალაქ  
ცხინვალში ჩატარდებოდა მშვიდობიანი მიტინგი, რომელიც ცხინვალისა  
და მთელი შიდა ქართლის მკვიდრი მოსახლეობის-ქართველებისა და საუ-  
კუნეთა მანძილზე შიდა ქართლში ჩამოსახლებული ოსი მოსახლეობის ძმუ-  
რი ურთიერთობის აღდგენასა და განმტკიცებას მიეძღვნებოდა და გამა-  
ფრთხილებელი დეკლარაციით მიმართავდა ოსი მოსახლეობის იმ ნაწილს,  
რომელმაც თავისი უპასუხისმგებლო მოქმედებით უკვე გააღვივა ეროვნე-  
ბათშორისი შუღლი ცხინვალში და ეხლა ცდილობს ამ შუღლის მიყვანას  
ტრაგიკულ კონფლიქტამდე.

23 ნოემბერს ქართველ მანიფესტანტთა მრავალათასიანი კოლონა  
გაემგზავრა ცხინვალისაკენ. ცხინვალის მისაღომებთან მანიფესტანტთა  
კოლონას გზა გადაუღობეს საქართველოს შინაგან საქმეთა სამინისტროს  
შენაერებმა. საქართველოს შინაგან საქმეთა მინისტრმა, ბ-ნმა შოთა  
გორგოძემ მანიფესტანტებს განუცხადა, რომ მრავალათასიანი კოლონის  
შესვლას ცხინვალში შეიძლება მოჰყვეს კონფლიქტი ფანატიკურად გან-  
წყობილი ოსი მოსახლეობის იმ ნაწილთან, რომელსაც მცდარი ინფორმაცია  
აქვს მიღებული ცხინვალში დაგვიმილი მანიფესტაციის მისიის შესახებ  
და ავისმსურველთა აგიტაციის შედეგად სწამს, რომ ქართველები ცხი-  
ნვალში მოემართებიან ოსების დასარბევად.



საქართველოს ეროვნული თავდაცვის შტაბმა, რომელიც ხელმძღვანელობდა ქართველ მანიფესტანტებს, ბ-ნ შოთა გორგოძეს მისცა იმის გარანტია, რომ ცხინვალში შესულ ქართველთა მხრიდან არავითარი აპოლიტიკური საქციელი არ იქნებოდა ჩადენილი და სრული პასუხისმგებლობით განუცხადა შემდეგი: ქართველ მანიფესტანტთა მრავალათასიანი კოლონა წარმოადგენს ეროვნული და პოლიტიკური თვითშეგნების მქონე ადამიანთა ერთიანობას, რომელიც მართვადია და უკიდურესი დაძაბულობის ვითარებაშიც ემორჩილება და ღღესაც დაემორჩილება მანიფესტაციის პოლიტიკურ-ორგანიზაციულ ხელმძღვანელობას- ეროვნული თავდაცვის შტაბს!

მოლაპარაკების შედეგად გადაწყდა, რომ შინაგან საქმეთა სამინისტროს შენაერთები მოხსნიდნენ პირველ კორდონს, ქართველთა კოლონას შეუბღვებოდნენ ცხინვალში, მიაცილებდნენ სტადიონამდე და იქ, ოსი მოსახლეობის მონაწილეობით ჩატარდებოდა მიტინგი. ქართველთა კოლონა ამ შეთანხმების საფუძველზე შევიდა ცხინვალში, მაგრამ სტადიონიდან რამდენიმე ასეული მეტრით აქეთ, მას წინ აღუდგა შინაგან საქმეთა სამინისტროს შენაერთების მეორე კორდონი, რომლის იქით უკვე იდგა ფანატიკოსი ოსების ბრბო, რომელსაც არ სურდა მანიფესტანტთა გატარება სტადიონამდე, როგორც

შინაგან საქმეთა სამინისტროს ხელმძღვანელებმა, ისე კორდონს აქეთ გამოსულმა ოსური ინტელიგენციის წარმომადგენლებმა განაცხადეს, რომ კორდონს იქით მღარი ფანატიკოსები, არა უმეტეს სამასი კაცისა, ამჟამად წარმოადგენენ უმარტავ მასას, სწამთ რომ ქართველები მათ დასარბევად არიან მოსულნი და სტადიონამდე მისვლა მხოლოდ მათ გვამებზე გადავლით შეიძლებაო.

ამგვარად, ოსმა სეპარატისტებმა ქართველი მანიფესტანტები არჩევანის წინ დააყენეს: ქართველთა ორმოცდაათათასიან კოლონას ან უნდა გაერღვია მილიციის კორდონი და გადაეთელა სამასიოდე ოსი ფანატიკოსი ე.ი. დაედგარა მათი სისხლი, ან უარი უნდა ეთქვა თავის სამკვიდროში, უბვე-



ღეს ქართულ ქალაქ ცხინვალში მიტინგის ჩატარებაზე. სრულიად ნათელი გახდა ოსი სეპარატისტებისა და მათი მოსკოველი შთამაგონებლების მზაკვრული ჩანაფიქრი-მათი ვარაუდით, მცირერიცხოვანი ოსი ფანატიკოსების თავხედობით აღმწოდებული ქართველები თავს ვერ შეიკავებდნენ, დაღვრიდნენ მათ სისხლს და ბოლოსდაბოლოს ჩაეფლობოდნენ ეთნიური ომის ჭაობში. ამავე დროს, მათ სურდათ, სამასიოდე ბრიყვის გაწირვით მოეპოვებინათ არგუმენტი მთელი კავკასიისთვის ასაჯანყებლად ქართული ეროვნული მოძრაობის წინააღმდეგ-ორმოცდაათიათასმა ქართველმა დაჩაგრამ, გათელამ, სისხლი აღინა სამას ოს პატრიოტს და ბრძოლით აიღო ცხინვალის! -აი, რას ამცნობდნენ ისინი მსოფლიოს თუ აღმწოდებული ქართველები ვერ შეიკავებდნენ თავს, ვერ გაშიფრავდნენ პროვოკაციულ ჩანაფიქრს და ოსი ფანატიკოსების გვამებზე გადავლით შევიდოდნენ ცხინვალში.

საქართველოს ეროვნული თავდაცვის შტაბმა, რომელიც ხელმძღვანელობდა ცხინვალში შესულ ქართველთა კოლონას, არა ერთი მოლაპარაკება გამართა კორდონს აქეთ გამოსულ ცხინვალელ ელჩებთან, როგორც ქართველებთან, ისე ოსებთან. ეროვნული თავდაცვის შტაბი ბევრს ეცადა, კორდონს აქეთ გამოეწვია ისეთი პიროვნება, რომელსაც შეეძლო ფანატიკოს ოსებზე გავლენის მოხდენა და მათი მშვიდობიანი დაშლა, მაგრამ ასეთი პიროვნება ცხინვალში არ აღმოჩნდა. ეროვნული თავდაცვის შტაბმა არაერთხელ განუცხადა ცხინვალელ ელჩებს, რომ შტაბი სრულ გარანტიას იძლეოდა ქართველი მანიფესტანტების სამართლებრივი მოქმედების შესახებ, მაგრამ ცხინვალელი ელჩები ირწმუნებოდნენ: ისეთი პიროვნება, ან პიროვნებათა ჯგუფი, რომელსაც შეუძლია ანალოგიური გარანტიის მოცემა ე.ი. კორდონს იქით მდგარი ფანატიკოსების მარჯვა და პასუხისმგებლობის აღება მათი საქციელის გამო არ არსებობს.

24 ნოემბერს შუალამისას იმ ტრასის გვედის ავლით, რომელიც ქართველ მანიფესტანტებს ეკავათ, ცხინვალში შევიდა ავტომატიებითა და ფარებით





შეიარაღებული ჯარი -ჯარისკაცებმა გაამაგრეს კორღონი და დაიკავეს ცხინვალის ქუჩები. კორღონის იქით მღვარ ფანატიკოსებს შეუერთდნენ ავტომატიანი რუსი ჯარისკაცების გამოჩენით გამხნივეებული ოსები და კორღონს იქით თავმოყრილმა ბრბომ ერთიანად იმატა- გამოიტანეს კომუნისტური ლოზუნგები და რაც მთავარია, ლენინის სურათი.

24 ნოემბერს დღის სამ საათზე ეროვნული თავდაცვის შტაბმა კორღონს აქეთ მღვარ ქარველობასთან ერთად ჩაატარა ხანმოკლე მიტინგი, ფაქტიურად, საერთო-სახალხო თათბირი, რომელმაც შეაფასა ცხინვალში შექმნილი ვითარება. ეროვნული თავდაცვის შტაბის გადაწყვეტილებით ქარველთა კოლონა თბილისისაკენ გამოემართა. ამგვარად, ეროვნული თავდაცვის შტაბმა ნათელჰყო, რომ მანიფესტანტთა მიზანი იყო მშვიდობიანი მიტინგის ჩატარება, ამავე დროს დაამტკიცა, რომ ცხინვალში შემოსული ქარველთა კოლონა ჰეშმარიტად წარმოადგენდა ეროვნული და პოლიტიკური დვიდშეგნების მქონე მარჯვად საზოგადოებას, რომელიც მოქმედებდა თავისი პოლიტიკურ-ორგანიზაციული ხელმძღვანელობის- საქარველს ეროვნული თავდაცვის შტაბის გადაწყვეტილებათა შესაბამისად, მიუხედავად იმისა რომ აღმოჩნდა ექსტრემალურ სიტუაციაში და უკიდურესად იქნა გაღიზიანებული ოსი სეპარატისტების მიერ შემუშავებული პროვოკაციული სცენარის მიხედვით განხორციელებული სპექტაკლი.

საქარველს ეროვნული თავდაცვის შტაბი, სრული პასუხისმგებლობით აცხადებს, რომ 1989 წლის 23 ნოემბერს ოსი სეპარატისტების მიერ გათამაშებული იქნა შემდეგი შინაარსის სპექტაკლი:

- I. კორღონს იქით მღვარი ფანატიკოსები, შეგნებულად, წინასწარი განზრახვით გამოაცხადეს უმართავ მასად.
- 2. კორღონს იქით მღვარი მასა ფანატიკოსებისა, სინამდვილეში იყო სავსებით მართვადი, მოქმედებდა წინასწარ შემუშავებული სცენარის მიხედვით, ხოლო ძალა რომელიც მართავდა ამ მასას მიიმალა და არენაზე არ გამოვიდა, რადგან ამას იდეალისწინებდა პროვოკაციული სპექტაკლის



### სცენარი.

3. ფანტიკოსთა ბრბო, რომელიც უმართავ მასად გამოცხადდა, სინამდვილეში არის ოსი სეპარატისტების მიერ მეთოდურად დამუშავებული, ანტიისტორიული, ყალბი ინფორმაციით მოწამლული, საზარბაზნე ხორცად ქცეული, წინასწარი განზრახვით ფანტიზმამდე მიყვანილი ჯგუფი ადამიანებისა, რომლებსაც შიდა ქართლი ნამდვილად ოსეთი ჰგონიათ და ნაწყენნი არიან იმის გამო, რომ " მათი სამშობლოს" სამხრეთ-ოსეთის!- დედაქალაქს "სტალინირს" ქართველებმა ნამდვილი, ისტორიული სახელისტალინირი! -საიდანღაც ამოჩხრეკილი, მოგონილი სახელით- ცხინვალით!- შეუცვალეს- ასეთი და სხვა მრავალი ამგვარი სიბრყვე შეიძლება მოგესმინათ კორდონს იქით მღარი ფანტიკოსებისაგან.

4. ძალა, რომელიც მართავს ამ ბრბოს სამსაფეხურიანია: ქვედა საფეხურს წარმოადგენს დანაშაულებრივი ორგანიზაცია " ადამონ ნიხასი"- ზედა საფეხური, რომელიც მართავს "ადამონ ნიხასს" მოკალათებულია ეგრეთწოდებული სამხრეთ-ოსეთის კომპარტიის საოლქო კომიტეტში და ხელისუფლების ორგანოში- საბჭოებში. სეპარატისტთა ზედა საფეხურს მართავს უმაღლესი საფეხური - ამ უმაღლესი საფეხურის შტაბ-ბინა კი, ცხინვალისა და საკმაოდ შორს, სსრ კავშირის დედაქალაქში - მოსკოვშია!-ამიტომ, 24-ში, ღამით, ცხტნვალის აივანო ჯარისკაცებით, რომლებიც არ ემორჩილებიან საქართველოს შინაგან საქმეთა სამინისტროს, ამდენად, საქართველოს მთავრობას და მოქმედებენ ცხინვალში სასწრაფოდ მოვლენილი მოსკოველი ემისარების ბრძანებით, ხოლო ცხინვალში მყოფ ქართულ მილიციას იარაღი აყრილი აქვს.

ამგვარად, ცხინვალში მდგომარეობას აკონტროლებს არა საქართველოს მთავრობა, არამედ მოსკოვიდან მოვლენილი ემისარი - ეს უხეში დარღვევა იმ შეურაცხმყოფელი კონსტიტუციისა და კი, რომელიც თავს მოახვია ქართველ ხალხს და ძირითად კანონად დაუწესა რუსეთის მოდერნიზებული იმპერიის, ეგრეთწოდებული სსრ კავშირის უმაღლესმა ხელისუფლებამ.



საქართველოს ეროვნული თავდაცვის შტაბი ქართველ ხალხთან ერთად, ყოველივეს იღონებს იმისათვის, რომ აღიკვეთოს ცხინვალში სსრ კავშირის უმაღლესი ხელისუფლების ანტიკონსტიტუციური მოქმედება! - მოსკოვი ემისარების თვითნებობას ცხინვალში ბოლო მოეღება, რუსული ჯარი ცხინვალიდან გავა და ქართულ მილიციას იარაღი დაუბრუნდება, ხოლო თქვენ, ცხინვალში და მთელს შიდა ქართლში ჩამოსახლებულ და დამკვიდრებულ ოსებს, საქართველოს ეროვნული თავდაცვის შტაბი ერთხელ და სამუდამოდ გიცხადებთ შემდეგს:

დააფასეთ ქართველთა სიკეთე, თქვენ ცხოვრობთ შიდა ქართლში და არა ოსეთში, ამქვეყნად მხოლოდ ერთი ოსეთი არსებობს და იგი კავკასიონის გადაღმა მდებარეობს, ნუ აპყვიბით ილუზიებს, რომლებიც ბოლშევიკებმა შთაგაგონეს ეგრეთწოდებული სამხრეთ-ოსეთის ავტონომიის შექმნიდა ყველაფერს რაც ბოლშევიკებმა შექმნეს ხალხთა შორის შულის დასათესად და გასაღვივებლად ისტორია მოინელებს და სანებვეზე დასტოვებს, წინ გაიხედეთ, მომავალი შეაფასეთ და დღეს ისე მოიქეცით, რომ ხვალაც გეცხოვრებოდეთ შიდა ქართლში - თქვენ თვითონვე დაგმეთ და გააძევეთ საქართველოდან ოსი სეპარატისტები, გააუქმეთ "ადამონ ნიხასი" - რისთვის გჭირდებათ თქვენ ორგანიზაცია, რომელიც ვითომდაც ქართველებსაგან გიცავდ- განა ქართველებმა ოდესმე დაგჩაგრეს თქვენ - არა! ქართველებს თქვენ არასოდეს არ დაუჩაგრიხართ, პირიქით, თქვენ არაერთხელ გათავხედებულხართ და ქართველების ჩაგვრა მოგინდომებიათ, მაგრამ ბოლოსდაბოლოს დასჯილხართ! დასჯილხართ! - სამართლიანად! შეისწავლეთ ისტორია - თვალი გაუსწორეთ ისტორიულ სიმართლეს და ირწმუნებთ, რომ ოსების თავხედობას საქართველოში ყოველთვის ბოლო მოჰდება და ამჯერადაც ასე იქნება, რადგან ჩვენ, ქართველები, მუდამ მართალნი ვიყავით თქვენს წინაშე - ეხლაც მართალნი ვართ და ამიტომ - ჩვენთან არს ღმერთი!

როდესაც, შვიდი წლის ვახტანგს, შემდეგ გორგასალად წოდებულს მამა გარდაეცვალა, ისარგებლეს ოსებმა, შემოიჭრნენ დარიალიდან ქართლში, დაარბიეს სოფლები, გაბარცვეს მცხეთა და მეფის ასული მირანდუ-



ხტი— ვახტანგის და მოიტაცეს. თხუთმეტი წლის ვახტანგმა გაილაშქრა ოსეთში, მდინარე თერგთან გადამწყვეტი ბრძოლის დაწყებამდე ჯერ ხაზარი დევგმირი თარხანი მოკლა ორთაბრძოლაში და შემდეგ ოს დევგმირთან, ბაყათართან მოუხდა ბრძოლა. ბაყათარმა უთხრა ვახტანგს: "თარხანი გოლიათი არ იყო და ამიტომ შესძელი მისი დამარცხება, ეხლა კი ჩემთან უნდა იბრძოლო და ამიტომ განწირული ხარო". თუმცა მხოლოდ თხუთმეტი წლისა ბრძანდებოდა ვახტანგ მეფე, მაგრამ უკვე ბრძენი იყო და ბაყათარს უპასუხა: "ჩემის ბლიერებით კი არ დაგძლევ მე შენ, არამედ ჩემი ღმერთის მეოხებით, ჩემთან არს ძალა ქრისტესი და ჯვარი მისი არის ჩემი იარაღი".

ვახტანგმა ხმლით გაჰკვეთა ბაყათარი მხრიდან გულამდე, უსულოდ ჩამოაგდო ცხენიდან, დაამარცხა ოსთა ლაშქარი, გამოიხსნა ტყვეობიდან მირანდუხტი, დაარბია ოსეთი, დაღეწა ოსთა ციხეები და უდიდესი ნადავლით დაბრუნდა უკან — ასე დაისაჯნენ ოსები ვახტანგ მეფისაგან და შემდეგაც არაერთხელ დასჯილან ლალატისა და ძალადობისათვის.

მეცამეტე საუკუნეში, მაშინ, როცა საქართველო მონღოლთა სამხრეთ ურდოს, მაჰმადიან ილხანებს ჰქონდათ დაპყრობილი, ჩრდილოეთის ურდოს ყაენმა ბერქამ ოსებს ველები წაართვა და მთებში შეხიზნა. ოსი ფეოდალები, ოსთა მთავრის ქვრივისა და მთავრის მცირეწლოვანი მემკვიდრეების ფარეჯანისა და ბაყათარის თანხლებით საქართველოში გადმოიხვეწნენ და საქართველოს მეფემ დავით მეშვიდემ ისინი ილხანთა ურდოში გაატარა. ოსმა ფეოდალებმა ერთგულება აღუთქვეს სამხრეთის ურდოს ყაენს ჰულაგუს, რომელსაც ამ დროს ომი ჰქონდა ჩრდილოეთის ურდოს ყაენთან ბერქასთან და ჰულაგუ ყაენმა დავით მეშვიდეს უბრძანა— ოსები საქართველოში დაასახლო! დავით მეშვიდემ ოსი ფეოდალები დაასახლა ყინვალის, თბილისისა და დმანისის მიდამოებში. წამოიზარდა მთავრის მემკვიდრე ფარეჯანი და ქართველთა რბევა-შევიწროება დაიწყო. როცა ქართველები მონღოლებს აუჯანყდნენ და დამარცხდნენ — დრო იხელდა მთავრის მეორე მემკვიდრემ ბაყათარმა და გორი დაიკავა. აქედან მოდის ის "ლეგენდა",



რომლითაც დღეს ცხინვალელი ვაი-იდეოლოგები გონებას უწამლავენ ზოგი-  
ერთ გაუნათლებელ ოს ახალგაზრდას- ერთ დროს გორიც ჩვენი ყოფილათ!...  
ხელთ იგდო ბაყათარმა გორი და იწყო ქართველთა ჩაგვრა ქართლში, მაგრამ  
წამოიზარდა ნონლოლთა მიერ წამებით მოკლული დიმიტრი თავდადებულის ძე  
გიორგი, შემდეგ ბრწყინვალედ წოდებული, განდევნა ოსები ქართლიდან,  
გარეკა დარიალს იქით, ხოლო მონღოლები დაამარცხა ისე სასტიკად, რომ  
საქართველოში აქა-იქ შემორჩენილ, ტყეში შეხიზნულ მონღოლებს ქალები  
და ბავშვები დასდევდნენ და ბარით უჩიქვავდნენ თავებს. ასე დამთა-  
ვრდა მონლოლთა ბატონობა საქართველოში, ხოლო ოსები მწარედ დაისაჯნენ  
გიორგი ბრწყინვალესაგან უმადურობისა, ლალატისა და ძალადობისათვის.  
შემდეგ, თეიმურაზ მეფესაც უმუხთლეს ოსებმა, ისარგებლეს რა იმით,  
რომ ორ ძლიერ მტერთან, ოსმალებთან და სპარსელებთან უხდებოდა ბრძოლა,  
მაგრამ თეიმურაზისგანაც დაისაჯნენ ოსები, რადგან სიმართლე იყო ქა-  
რთველთა მხარეზე და ამიტომ, ღმერთი იფარვიდა მათ.

რაც შეეხება შიდა ქართლს, ქართლის მთიანეთს, ბოლშევიკების მიერ  
სამხრეთ-ოსეთად მონათლულ რეგიონს, აქ ოსური მოსახლეობა წარმოიშვა  
არა ერთდროული ჩამოსახლების შედეგად, არამედ თანდათანობით, მეთექვ-  
სმეტე-მეთვრამეტე საუკუნეთა განმავლობაში. სარჩო-საბადებლის მძებნე-  
ლი ოსები ქართველ მთიელთა სოფლებში, ქართველ ფეოდალთა კუთვნილ მიწე-  
ბზე ხიზნებად სახლდებოდნენ. ამას ხელს უწყობდა ის, რომ ქართველი  
მოსახლეობა მტერთა განუწყვეტელი შემოსევების შედეგად შემცირებული  
იყო, მიწის მეპატრონენი კი ცხადია, ცდილობდნენ დაცარიელებული მი-  
წები, მიწათმოქმედის გარეშე, უქმად არ შერჩენოდათ ხელთ. ამას გარდა  
საქართველოს ბარის ეკონომიკური ზემოქმედება იწვევდა ქართველი გლე-  
ხობის მიგრაციას მთიანი ადგილებიდან დაბლობისაკენ. ქართულ ისტორიო-  
გრაფიაში უხვად არის ამ ისტორიული ვითარების დამადასტურებელი საბუ-  
თები. მეჩვიდმეტე საუკუნის პირველ ნახევარს განეკუთვნება, მაგალითად,  
ერთი სიგელი, რომელიც ადასტურებს იმას, რომ სოფელ ზემო ჯავის მოსა-



ხლეობა ამოწყვეტილა. შემდეგში ეს სოფელი ფეოდალ მარაბლებს ოსებით დაუსახლებიათ. ამგვარად, ამ რეგიონში, მიწის მფლობელი ფეოდალები, დაცარიელებული სოფლების დასახლებით დაინტერესებულნი იყვნენ და უმიწაწაყლო ოსები ხიზნობა-ყმობის წესით სახლდებოდნენ ქართველ ფეოდალთა მიწებზე. ჩამოსახლებული ოსები, როგორც წესი, ქართულ ქრისტიანულ სარწმუნოებას ღებულობდნენ, ქართველების მხარდამხარ ცხოვრობდნენ და შრომობდნენ, ქართლის მთიანეთში, ეგრეთწოდებულ სამხრეთ-ოსეთში, ერთი გოჯი მიწაც კი არ არის, ქართველთა ისტორიული საკუთრება რომ არ იყოს- ყველგან, სადაც კი ცხოვრობენ ოსები, ჩამოსახლებულნი არიან იმ წესით, რომელზეც ზემოთ მოგახსენეთ. ორიოდ სიტყვით შევეხებით დვალეებსა და დვალეთს. დვალეთი მდებარეობდა კავკასიონის ქედის ცენტრალურ ნაწილში, ჩრდილოეთის მხარეს. დიდი და პატარა ლიახვის სათავეებში დვალეები ჩნდებიან შუა საუკუნეებში და ისინი აქ ჩამოსახლდნენ ისევე, როგორც შემდეგ ოსები, მაგრამ მთავარი ის არის, რომ ალან-ოსებსა და დვალეებს შორის არავითარი ეთნიური კავშირი არ არსებობს. დვალეები კავკასიურ-იბერიული წარმომავლობისა იყვნენ, ისევე როგორც ქართველები, ქისტები, ჩერქეზები და სხვა.... ხოლო ალან-ოსები ინდოევროპული წარმომავლობის ხალხია, ინდოევროპელები კი იყვნენ აზიიდან დაძრული მომთაბარე ტომები, რომლებიც მეჯოგეობას მისდევდნენ და ახალი საბჭოვრების ძებნაში მდინარე ღუნაის ნაპირებამდე მიაღწიეს. ერთი სიტყვით, დვალეები ქართველთა მონათესავე ტომი იყო, კავკასიურ-იბერიული წარმომავლობისა და ალან-ოსებთან არათუ იდენტურობა, არამედ საერთოც კი არაფერი ჰქონიათ. ის მიწა, რომელსაც ოსეთი ჰქვია და რომელზედაც საბოლოოდ დამკვიდრდნენ ერთ-ერთი ინდოევროპული ტომის ალანების ჩამომავალნი - ოსები, მდებარეობს კავკასიონის ქედს გადაღმა, დარიალის იქით, "დარიალი" ანუ "დარი-ალან" სპარსული სახელია და ალანების კარს ნიშნავს. ძველქართულად ამ კარს არაგვის კარი ან ოვსთა კარი ერქვა, ბერძნები და რომაელები ამ კარს კასპიის კარს, ან კავკასიის კარებს ეძახდნენ. კაცობრიობას რაც მეხსიერება აქვს



ისტორიული წყაროების სახით, ეს კარი ყველგან და ყოველთვის მოხსენებულია იმ კარად, რომელიც ქართველებს და მათ წინაპრებს საიმედოდ ჰქონდათ გამაგრებული. არასოდეს ამ კარის შემოღწევა და აქედ ძალით შემოსვლა ოსებს არ შერჩენიათ— ქართველობას ყოვეთვის ხასტიკად დაუმარცხებია და გაურეკია ოსები უკან, კარებს იქით— ოსეთში, ასეთია, ობიექტური, ისტორიული სინამდვილე.

არსებობს მხოლოდ ერთი ოსეთი, ის ოსეთი, რომელსაც დღეს ჩრდილო-ოსეთს უწოდებენ— სამხრეთ-ოსეთი არ არსებობს— ეს ადმინისტრაციულ-ტერიტორიული ერთეული შექმნეს ბოლშევიკებმა ქართველი ხალხის ეროვნული ინტერესების საზიანოდ.

ეგრეთწოდებული სამხრეთ-ოსეთის ტერიტორია არის შიდა ქართლი, ქართველთა სამკვიდრო და საქართველოს განუყოფელი ნაწილი. შიდა ქართლში ჩამოსახლებული და დამკვიდრებული ოსების ერთმა ნაწილმა ჩვენს საუკუნეშიც დაარღვია მამაპაპური ადათი ძმობისა და უმტრო ქართველობას, მისცა რა დასაყრდენი ბოლშევიკებს ქართლის მთიანეთში — ამის გამო დაისაჯნენ თავისუფალი საქართველოს მთავრობისაგან— დაისაჯნენ სამართლიანად! — დაისაჯნენ, რაღა უღალატეს ქართველებს და მხარი აუბეს საქართველოს მტრებს— ბოლშევიკებს. ის ავაზაკები, რომლებიც დაუძმობილდნენ ბოლშევიკებს, ბოლშევიკებმა წითელ პარტიზანებად მონადღეს და ქართველ ხალხს დაუპირისპირეს, მაგრამ ქართველები არასოდეს არ აიგვივებდნენ ერთ მუცა ავაზაკებს და ოს ხალხს და დღესაც არ აიგვივებს ქართველი ხალხი, მთელ ოს ხალხს ოს სეპარატისტებთან. ოსი ხალხის ვალია, შეუბრალებელი ომის დაწყება ოსი სეპარატისტებისა და მათ მიერ შეცდენილ ფანატიკოსების წინააღმდეგ. ღმერთი იყო, არის და იქნება ქართველ ხალხთან— ღმერთის შეწევნითა და ძალით ქართველი ხალხი მოიხსნის რუსეთის მოღერნიზებული იმპერიის უღელს, ამიტომ, საქართველოში დამკვიდრებული ყოველი პატიოსანი ოსის ვალია ქართველთა მხარდამხარ ბრძოლა რუსეთის მოღერნიზებული იმპერიის



წინააღმდეგ.

ქართველი ხალხის ბრძოლას თავისუფლებისათვის ველარაფერი ველარ შეაჩერებს- თქვენი ვალა ოსებო, კარგად ასწონ-დასწონოთ- რას მოგიტანდ მომავალი! ხოლო თუ კარგად დაფიქრდებით ირწმუნებთ:

დღეს, გიჯობთ იმოქმედოთ ისე, რომ ხვალ, თავისუფალ საქართველოში დაგედგომებოდეთ!

ოს სეპარატისტებსა და მათ მიერ გაბრიყვებულ ფანატიკოსებს ჩვენ დღესვე ვუცხადებთ შეურიგებელ ომს და ღვთის შეწევნით დავსჯით მათ საქართველოს განთავისუფლებამდეც, ამიტომ კიდევ ერთხელ მოგიწოდებთ: ძმებო ოსებო, ოსი სეპარატისტები იმდენად ჩვენი მტრები არ არიან რამდენადაც თქვენი, რადგან მათი ავანტიურისტული გეგმები თქვენ უფრო გავნებთ, ვიდრე ჩვენ, ამიტომ გაერთიანდით მათ წინააღმდეგ- დასაჯეთ მანამდე, ვიდრე ჩვენ დავსჯიდეთ - თქვენვე გაწმინდეთ შიდა ქართლი ოსი სეპარატისტებისაგან და ფანატიკოსებისაგან, თქვენ უკეთ იცით მათი ასავალ-დასავალი და იჩქარეთ, დროზე მოიკვეთეთ თქვენი სხეულის დაავადებული ნაწილი, თორემ როცა ჩვენ დავიძრებით თქვენს სხეულში გამჯდარი სიმსივნის ამოსაკვეთად, როგორც არ უნდა მოვიწოდოთ, მაინც ძნელი იქნება ზუსტი ზღვრების დადება ჯანსაღსა და სწულ ნაწილებს შუა, ამიტომ გიჯობთ, დღესვე, თქვენ თვითონვე დაიწყეთ შიდა ქართლის გაწმინდა საქართველოს მოლატეებისაგან, მოდერნიზებული რუსეთის იმპერიის აგენტებისაგან.

ეს არის ჩვენი საბოლოო სიტყვა ძმებო ოსებო- იმოქმედეთ ისე, როგორც სინდისი გიკარნახებთ!

1989 წლის 26 ნოემბერი

ეროვნული თავდაცვის შტაბი.

ზვიად გამსახურდია  
ირაკლი წერეთელი  
ვაჟა ალამია  
ირაკლი ბათიაშვილი

*Handwritten signatures and names:*  
ხვალ კრის  
ირაკლი წერეთელი  
ნ. ბათიაშვილი

თემურ სუმბათაშვილი  
თორნიკე ფიფია  
ავთანდილ რუხილაძე